

近代中國史料叢刊第八十三輯

沈雲龍 主編

西巡回鑾始末記

八詠樓主人編

文海出版社
有限公司印行

光緒丙午仲春

仿泰西法石印

西巡回鑿

始末記

西巡回鑾始末記

卷一

上諭

北塘砲臺被攻記

慶王李相與瓦德問答記

西宮西守記

卷二

額賢成教記

肇福諸王大臣記

奉匪劫掠京師記

兵匪焚掠京師記

奉匪海軍大員記

聯軍攻陷太古砲臺記

津城失陷記

英使製書獻記

王公大臣受辱記

保定失守記

聯軍勦匪記

罪魁奉旨賜死記

遼陽奉匪滋事記

袁慰帥勦匪記

奉匪蔓延京師記

王公大臣袒匪記

日使著書記生邊書記

德公使克林德被戕記

直隸提督聶軍門死事記

卷三

北京教堂被圍記

忠良堂戮記

聯軍進京記

兩宮駐蹕西安記

北京戰後記

山海關被佔記

東三省失守記

李相入京議和記

西安聞見錄

宗室伯弟太史壽富殉節記

卷四

直隸藩臬往來札文

袁中丞嚴禁拳匪章程

記俄人治理庫庄官制新章

南省侯爵記

裕李兩帥克遼記

臨幸大臣隨扈記

附誌錄尚書傳機密事

津門戰記

京津兵興記

東三省盛衰記

宣化巡警記

張家總使克年龍戮記

端中丞勸戒告示

駐京美日提督議定遊覽紫金城章程

西官推廣管理地方告示

天津衙門定巡捕章程
俄日法德東方海軍表
全權大臣與諸欽差往來文稿
年教士議辦晉省教案記

遼東俄兵分屯表
通行專約擬底稿
會議賠款事宜述畧

卷五


湖北教案條款
論中國傳訊事
議和草約稿
廢事本末記

英外部蓋斯唐答斯賓者伯爵
各國索取賠款之非論
上海紳士公祭三忠文
和議准約

卷六

諸國往來國書記
北京商民呈請回鑾稟
譯英國藍皮書所載各種信稿
董福祥上榮中堂稟
王檢子刺史通稟各上堂稿

中西大員往來書文
和議九員往來函稿
李中丞通飭設立教務公所
東撫批洪太守稟



西巡回鑾始末記卷一

大清 吳郡八詠樓主人恭錄

光緒二十六年三月十八日奉

上諭各省鄉民設團自衛保護身家本古人之

守望相助之誼果能安分守法原可聽其自便但恐其間良莠不齊或藉端與鄰民為難不知朝廷一視同仁無分畛域該民人等一當仰體此意無得懷私逞忿致起釁端自干咎戾着各該督撫嚴飭地方官隨時剴切曉諭務使各循本業永久相安庶無負誨誥告誡之至意欽此

五月初二日奉上諭邇來近畿一帶鄉民練習拳勇良莠錯出浮想紛滋事端迭經諭令京外各衙門嚴行禁止近聞團民中多有游勇分踞湖跡其間借端肆擾甚至戕殺武員燒燬電桿鐵路似此惡不畏法其與亂民何異着派出之統兵大員及地方文武迅即嚴拿首要解散脅從倘敢列仗抗拒應即相機勒辦以昭炯戒現在人心搖動遇事生風凡有教堂教民地方均當實力保護俾獲安全而弭禍變欽此

五月初十日奉

上諭西教傳播中國歷有年所該教士無非勸人為善而教民

等亦從無恃教滋事故民教各行其道均克相安近來各省教堂林立教民眾多遂有不逞之徒潛跡其間教士亦難備查傷劣而該匪即藉入教為名欺壓平民武斷細曲諒亦非該教士所願至義和拳會在嘉慶年間亦曾例禁近因其練藝保身守護鄉里並未滋事端是以迭降諭旨飭令各地方官妥為彈壓無論其會不會但論其匪不匪如有藉端滋事極應嚴拿懲辦是教民拳民均為國家赤子朝廷一視同仁不分畛域即有教民因案涉訟亦應令地方官持平辦理乃近來各府廳州縣積習相沿因循玩愒平日即未能聯屬教士又不能體恤民情遇有民教涉訟未能悉心考察妥為辦理致使積忿已深民教互仇遂有拳民以仇教為名倡立國會再有奸民會匪附入其中藉端滋事拆毀鐵路焚燒教堂至鐵路原係國家所造教堂亦係教士教民所居豈得任情焚燬是該國等真與國家為難實出情理之外昨已簡派順天府尹軍機大臣趙舒親前往宣撫曉諭該團民等應即遵奉一齊解散各安生業倘有奸民會匪從中從惡煽惑希圖擾害地方該團即行交出首要按律懲辦若再執迷不悟即係亂民一經大兵勦捕勢必父母妻子離散家敗身亡仍負不忠不義之名後悔何及朝廷深為吾民惜也經此次宣諭之後如仍不悛改着大學士榮祿分飭董福祥宋文為玉昆等各乘

所部實力勦捕仍以分別首要解散脅從為主至派出隊伍原用以衛民近聞直隸所派各軍不但未能保護彈壓且有騷擾地方情事即着直隸總督裕祿嚴行查辦並着裕祿派員訪查倘有不肖營哨各官不能嚴束勇丁即以軍法從事決不寬貸此旨即着刊刻騰黃通行曉諭軍民人等一體知悉欽此同日奉 上諭前因近畿一帶羣民藉端滋事人心浮動迭經諭令嚴行查辦乃近來京城地面往往有無賴之徒三五成羣執持刀械游行街市聚散無常若不亟行嚴禁實屬不成事體步軍統領衙門順天府五城均有緝捕匪徒稽查地方之責宜各該處屬聚聚紛紛擾擾擾惑人心隨諭飭管理神機營虎神營王大臣等將所部弁兵全行駐廠並遣派馬步隊伍各按地面晝夜梭巡倘有匪徒聚眾生事即行拿辦外並責成步軍統領衙門順天府五城嚴飭該管員弁兵役人等各分汛地嚴密巡查遇有形跡可疑及結黨持械造言生事之人立即嚴拿懲辦毋稍疏虞以遏亂萌而靖地方欽此

五月十四日奉 上諭端郡王載漪着管理總理各國事務衙門禮部尚書啟秀工部右侍郎溥興內閣學士兼禮部侍郎銜那桐均着交總理各國事務衙門大臣上行走現在時事艱艱該王大臣等當實心任事以副委任不准因辭致此

五月十四日奉

五月十七日奉 上諭十五日永定門外日本書記生杉山毅刺匪徒戕殺之事聞之實深惋惜鄰國駐京使臣本應隨時保護現在匪徒蜂起尤宜加意嚴訪迭經諭令各該地方官派兵巡緝密為保護莫止三令五申乃竟殺之地竟有日本書記生被害之事該地方文武員弁事前既未能防範事後亦未能拿獲寔屬不成事體著各該衙門上緊查限嚴拿凶犯務獲儘法懲治倘遇限未獲定行嚴加懲辦欽此 同日奉 上諭近來畿輔一帶土匪滋事擾及京城地面迭經明降諭旨撫諭解散嚴飭京營及近畿各營分途勦辦乃近日焚掠之案仍復層見迭出奸匪造作謠言以仇教為名波及良善於朝廷命令視若弁髦論其結黨橫行戕殺有據即使偽託良民冒稱義士問自來立國之道果有為容亂民以致自困者乎況現經派員查訪拳民結黨實有游身會匪混跡其間肆行搶劫昨復令剛毅趙舒翹等前往良鄉涿州等處宣布朝廷德意所有安分率民業已具結悔罪齊心解散足見各處焚殺之事顯係奸匪所為朝廷但論其滋事與否以為良莠之別此等匪徒亟宜嚴加懲治不容稍有藉口着宋慶督飭馬玉崑烈日帶隊馳赴近畿一帶沿途實力勦捕仍着嚴拿首犯解散脅從為要義至派出各營務宜嚴申紀律不准藉端滋擾以靖奸宄而安良善將此通諭知之欽此十九日

奉 上諭昨因李匪滋擾禁城曾諭令步軍統領衙門嚴拿首要認真梭巡旋拿獲造言生事喧嘩惑眾之犯業經交刑部正法詎昨日夜間城內各處焚掠如舊且有奸宄從中煽惑竟敢明目張膽沿途喊殺持械尋仇任意殺害情事官兵任其猖獗城門由其出入人心一夕驚駭居民不得安業董毅之下穆龍至此倘若再不嚴行懲辦為禍不堪設想著步軍統領衙門各地面官兵並著神機營虎神營各派馬步隊伍兼添派武衛中軍弁兵會同彈壓加意梭巡遇有持械喊殺之犯立即拿獲送交提督衙門即行正法勒限將首要各犯迅即嚴拿不准再事姑息其僅止附和脅從等犯自應飭令分別解散遞解其城內設立壇棚應盡行拆毀並派載瀛奕功溥良載卓巡查街巷遇有隊伍緝捕不力隨時稽查參辦至各城門啟閉出入尤宜加意慎重著派崇勳載澧普深伊立布克蒙額英信松鶴色普徵額德雲分駐九門監查啟閉出入九城以外著五城御史一體認真查辦並責成中城御史陳璧倡率辦理並著派慶親王奕劻瑞即王載琦貝勒載瀛大學士榮祿督飭派出各員及馬隊各營並地方文武實力遵行如有疏懈貽誤即行據實嚴參欽此

五月二十日奉

上諭李鴻章著迅速來京兩廣總督著德壽兼署袁世凱著酌

帶所部迅速來京如膠澳地方緊要該撫不克分身着據派得力將領統帶來京此旨着裕祿分別轉電李鴻章袁世凱毋稍遲誤將此由六百里加緊諭令知之欽此

五月二十一日奉 上諭近因民教尋仇匪徒乘機燒搶京城內外擾亂已極着各直省督撫迅速挑選馬步隊伍就地地方兵力餉力酌派得力將弁統帶數營星夜馳赴京師聽候調用根本之地情形急迫勿得刻延將此由六百里加緊各諭令知之欽此

五月二十二日奉 上諭五城御史文溧等奏京城地面情形日亟請安民心而弭禍變一摺着李端遇王懿榮派為京師團練大臣會同五城御史督率弁兵嚴密稽查加意巡邏城門出入亦按時啟閉以靖閭閻欽此 同日奉 上諭近因民教尋仇訛言四起匪徒乘亂燒搶迭出所有各國使館理應認真保護着榮祿迅派武衛中軍得力隊伍即日前往東交民巷一帶將各使館實力保護不得稍有疏虞如使館眷屬人等有願暫行赴津本應沿途一體保護惟現在鐵路未通若由陸道行防護恐難周妥應仍照常安居俟鐵路修復再行查看情形分別辦理欽此

五月二十五日奉 上諭現在各國經開學京師戒嚴所有城守事宜即應妥為籌備着派載勛載瀛督飭八旗滿蒙漢驍騎營官兵嚴密防守並派都統裕德廣忠符珍敬信恩佑貴恒副都統芬車希朗阿等八員各樓段落晝夜梭巡均歸載勛節制勿得稍有疎虞欽此

五月二十四日奉 上諭近日京城內外拳民仇教與洋人為敵教堂教民連日焚殺蔓延太甚勦撫兩難洋兵廣聚津沽中外釁端已成將來如何收束殊難逆料各省督撫均受國厚惠誼同休戚時局至此當無不竭力圖報者應各就本省情形通盤籌畫於選將練兵籌餉三大端如何保守疆土不使外人逞志如何獲濟京師不使朝廷受困事事均求實際沿江沿海各省彼族覬覦已久尤關緊要若再遲疑觀望坐誤事機必至國勢日蹙大局何堪設想是在各省督撫互相勸勉聯絡一氣共挽危局時勢緊急迫企盼之至將此六百里加緊通諭知之欽此

同日奉 上諭李鴻章李秉衡等各電均悉此次之變事機雜出均非意料所及朝廷慎重邦交從不肯輕於開釁奏中所稱中外強弱情形亦不待智者而後知國民在董敵之下仇教焚殺正在勦撫兩難之際而二十日各國兵艦已在力索大沽炮台限二十一日二點鐘交付羅榮光未肯應允次日各國即開炮轟擊

羅榮光不得不開炮還擊相持竟日遂至不守原非自誤開現在京中各使館勢甚危迫我仍盡力保護此都中近日情形也大局安危正難逆料爾沿沿江各督撫惟當慎選迭次諭旨各盡其職所當為相機審勢極力辦理是為至要欽此 同日奉 上諭裕祿奏洋人肇衅猝啟兵端連日接仗獲勝一摺覽奏實深嘉慰我華與各國和好有年乃因民族相仇之故竟至決裂恃其堅甲利兵攻我大沽口炮台又由紫竹林分路出戰經裕祿四處分應經我義民竭力相助以血肉之軀與鎗炮相薄二十一二二十三等日擊壞兵輪兩艘殺敵不少敢志成城民心既固兵氣亦揚所有助戰之義和團人民不用國家一兵不糜國家一餉甚至擊斃童子亦復執干戈以衛我社稷此皆仰託 祖宗之昭鑒神聖之護持使該團民萬眾一心有此義勇着先行傳旨嘉獎餘俟事定後再行加恩爾團民等惟當同心戮力禦侮效忠始終勿懈朕有厚望焉欽此 同日奉 上諭我朝二百數十年深仁厚澤凡遠人來中國者 列祖 列宗罔不待以懷柔迨道光咸豐年間俯准彼等互市並允在我國傳教朝廷以其熱人為善勉允所請初亦就我範圍遵我約束詎三十年來恃我國仁厚一意拊循乃益肆梟張敢凌我國家侵犯我土地蹂躪我民人勒索我財物朝廷稍加遷就彼等竟其凶橫

日甚一日無所不至小則欺壓平民大則侮慢神聖我國赤子仇怨鬱結人人欲
得而甘心此義勇焚燒教堂屠殺教民所由來也朝廷仍不開釁如前保護者恐
傷吾人民耳故再降旨申禁保衛使館加恤教民故前日有教民奉民書為赤子
之諭原為民教解釋宿嫌朝廷柔服遠人至矣盡矣乃彼等不知感激反肆豐稅
昨日公然有杜蘭士照會令我退出大沽口炮臺歸彼看管否則以兵力襲取危
詞恫喝意在肆其披猖震動畿輔平日交鄰之道我未嘗失禮於彼彼自稱教化
之國乃無禮橫行專恃兵堅器利自取決裂如此乎朕臨御將三十年待百姓如
子孫百姓亦戴朕如天帝况 慈聖中興宇宙恩德所被流髓淪肌 祖宗憑依
神祇感格人人忠憤曠代所無朕今涕泣以告 先朝慷慨以誓師徒與其苟且
圖存貽羞萬古孰若大張捷伐一決雌雄連日召見大小臣工詢謀僉同近畿及
山東等省義兵同日不期而集者不下數十萬人下至五尺童子亦能執干戈以
衛社稷彼仗詐謀我恃天理彼憑悍力我恃仁心無論我國忠信甲冑禮義千楮
人人敢死即土地廣有二十餘省人民多至四百餘萬何難剪彼凶醜張國之威
其有同仇敵愾陷陣冲鋒抑或尚義捐贖助益餉項朝廷不惜破格懸賞獎勵忠
苟其自外生成臨敵退縮甘心從逆竟作漢奸即刻嚴誅決不寬貸爾普天臣庶

其各懷忠義之心共洩神人之憤朕實有厚望焉欽此 同日奉 上諭現在中外已開戰事直隸天津地方義和團會同官軍助戰獲勝著降旨嘉獎此等義民所在皆有各國如能招集成團藉禦外侮必能得力如何辦法迅速復奏沿海沿江各省尤宜急辦將此由六百里加緊通諭知之欽此

六月初三日奉 上諭此次中外開釁以來其間事機分湊處處不順均非意料所及該大臣等遠隔重洋無由深悉情形不能向各外國切實聲明達知中國本意今特為該大臣等縷晰言之先是直東兩省有一種亂民各就村落練習拳棒雜以神怪地方官失於覺察遂致相煽成風旬月之間幾於遍地皆是甚至沿及京城亦皆視若神技翕然附和遂有桀黠之徒倡為仇教之說五月中旬猝然發難焚燒教堂戕殺教民闔城洶洶勢不可遏當風聲初起之時各國請調洋兵入京保護使館朝廷以時勢頗迫慨然破格許之各國統計到京洋兵不下五百人此中國慎重邦交之明證也各國在京使館平日與地方尚屬無怨無德而自洋兵入城以後未能專事護館或有時上城放槍或有時四出巡街以致屢有放槍傷人之事甚或任意游行幾欲闖入東華門被阻始止於是兵民交憤異口同聲匪徒乘隙橫行燒殺教民益無忌憚各國遂派調洋兵中途為亂實截殺迄不能

前蓋此時直東兩省之亂黨已銘成一片不可開交矣朝廷非不欲將此種亂民下令痛勦而肘腋之間操之太蹙深恐各使館保護不及激成大禍亦恐直東兩省同時舉事兩省教士教民更無遺類所以不能不躊躇審顧者以此爾時不得已乃有令各使臣暫避至京之事正在彼此商議間突有德使克林德赴總署途中被亂匪傷害之事德使蓋先日函約赴署該署因沿途擾亂未允如期會晤者也自出此案後亂民皆挾騎虎之勢並護送使臣赴津之舉亦不便輕率從事惟有飭保護使館之兵嚴益加嚴以防倉猝不料五月二十日即有大沽海口洋員面見守台提督羅榮光索讓炮台之事謂如不允便當於明日兩點鐘用力佔據羅榮光職守所在豈敢允讓乃至日果先開炮擊台相持竟日遂至不守自此禍端已啟却非衅自我開且中國即不自諒亦何至與各國同時開衅並何至特亂民以與各國開衅此意當為各國所深諒以上委曲情形及中國萬不得已而作此因應之處該大臣等各將此者詳細向各外部切實聲明達知中國本意現仍嚴飭帶兵官照前保護使館惟力是視此種亂民設法相機自行懲辦各該大臣與各國遇有交涉事件仍應照常辦理不得稍存觀望將此各電諭知之欽此

同日奉

上諭李鴻章等奏奉旨暫行停運洋款核計請旨遵行一摺

據稱洋款若停牽動內地厘金亦碍小民生計轉於餉需有礙京師及北上諸軍餉項無從接濟等語初議停還洋款原因湊濟軍需起見倘各海關如常抽稅內地厘金亦不短絀即着照所議查照成案按期解還歸款用昭大信將此諭知戶部並由六百里諭令袁世凱即着該撫轉實李鴻章劉坤一等知之欽此

六月初八日奉 上諭前因近畿民教滋事激成中外兵端各國使臣之在京者理應一律保護迭經總理衙門王大臣致書慰問並以京城人心未靖防範難周與各使臣商議派兵護送前往天津暫避以免驚恐即着大學士榮祿預行遴派妥實文武大員帶同得力兵隊俟該使臣定期何日出京沿途妥為護送倘有匪徒規伺搶掠情事即行勒令不得稍有疎虞各使臣未出京以前有通信本國之處但係明電即由總理各國事務衙門速為辦理毋稍延擱用示朝廷懷柔遠人坦懷相與之至意欽此

六月十六日奉 上諭現在中外開籌各直省軍務竣德所有本年恩科鄉試如果息緩數月未始不可舉行第恐天氣漸寒之士子倍形勞苦且遠省取榜過遲於公車亦多窒碍着即展緩至明年三月初八日鄉試八月初八日會試以示體恤各省已放正副考官即着回京供職至庚子正科鄉試及次年會試並着按照

年分以次遞推禮部知道欽此

十三日奉 上諭此次中外啟釁各國不無誤會中國地方官亦有辦理不善之處兵連禍結有乘風好終非全球之福著授李鴻章為全權大臣即電商各國外部先行停戰仍將應行議結事宜分別妥商請旨遵行欽此 同日奉

上諭中外開衅以來我 皇太后迭次頒發內帑備給將士義餉 慈恩優渥有加無已當此時局艱危爾將士等必當感激圖報共建殊勳其有奮勇力戰殺敵致果者定予以不次之賞如有臨陣退縮畏葸不前者即在軍情正法並將統兵各員嚴治其罪現在大沽炮台已被洋人佔據着格祿督飭羅榮光等各營並義和團民迅圖恢復毋稍遲延至行軍以紀律為先各營弁兵如有搶掠財物騷擾地方等情除將滋事弁兵就地正法外並將該管營哨各官以軍法從事倘統帶各員不能嚴加約束亦必一併從嚴治罪勿謂言之不預也欽此 同日奉

上諭昨已將團民仇教勦辦兩難及戰事由各國夾開各情形諭李鴻章李秉衡劉坤一張之洞等矣爾各督撫度數各軍力不欲輕搆外衅誠恐成謀國之道無如此次義和團民之起數月之間京城蔓延已遍其眾不下十數萬人自民間以至王公府第處處皆是同聲與洋教為仇勢不兩立勦之則即刻禍起肘腋生靈塗

度只合徐圖挽救奏稱信其邪術以保國似不諒朝廷萬不得已之苦衷爾各督撫知內亂如此之急必有寢食難安奔走不遑者安肯作一面語耶此乃天時人事相激相隨遂至如此爾各督撫勿再遲疑觀望迅速籌共善餉力保疆土如有跡失唯各督撫自問將此電諭各督撫知之欽此 同日奉 上諭袁世凱代奏籌辦許應駁請保衛使臣各謂片春秋之義不戮行人朝廷辦法亦豈有縱令兵民遷怒公使之理一月以來除德使被亂民戕害現在嚴行查辦外其餘各國使臣朝廷苦心保護幸各無恙着即知照欽此 同日奉 上諭各路統兵大臣凡以習洋操及用洋裝式洋口號者着即悉數更換仍歸舊日兵制欽此

六月二十三日奉 上諭現在天津失陷京師戒嚴斷無不戰而和之理惟春秋之義不斬行人一月以來除德使被亂民戕害現在嚴行查辦外其餘各國使臣朝廷幾費經營苦心保護均各無恙但恐各督撫誤會意旨以保使為和議之地竟置戰守事宜於不顧是百戰百勝後患更何堪設想着沿江沿海各省督撫等振刷精神於一切戰守事宜詳察次第籌辦倘竟漫無布置萬一疆土有失定惟該督撫是問將此由六百里加駁各諭令知之欽此

六月二十五日奉 上諭前因兵勇改練洋操以致服飾一切均用洋式貽誤匪

漢當經諭令各省一律仍歸舊制惟恐各省或因改練業已成軍惟恐紛更仍沿
用洋裝洋號將來必致不救更再申諭各路統兵大臣務即悉數更統歸中國舊
日兵勇服飾是為至要欽此 同日奉

上諭統帶武衛前軍直隸提督聶士成從前著有戰功訓練士卒亦尚有方乃
此次辦理防勦種種失宜屢被參劾實屬有負委任昨降旨將該提督革職留任
以觀後效朝廷曲予矜全望其力圖振作藉贖前愆意竟於本月十三日督戰
陣亡多年講求洋操原期殺敵致果乃竟不堪一試言之殊堪痛恨姑念該提督
親臨前敵為國捐軀尚非退蕙者比著開復處分照提督例賜卹用示朝廷格外
施恩策勵戎行之至意欽此

七月十五日奉 上諭直隸總督著李鴻章調補並兼充北洋大臣現在天津防
務緊要李鴻章未到任以前仍責成裕祿會同宋慶妥籌辦理不得因循故有人
稍涉諉卸欽此

七月二十日奉 上諭劉坤一奏籌辦防務情形一摺所稱江海要隘及沿江港
汊布置情形及防守內地兼護運道等項辦法均尚周密即著照所議迅速辦理
但敵謀叵測該督務當隨時激勵將士加意嚴防倘有敵人侵犯即行奮勇堵擊

力推亮鋒是為至要將此由六百里諭知之欽此

同日奉

上諭劉家模奏請勸捐助餉一摺現在軍務緊急需餉孔殷各省紳商食毛踐土當能激發天良設家紆難着各督撫遴選公正紳耆設法勸辦有能倡捐巨資者應請破格優獎其餘按照海防捐例分別獎叙並須妥定章程嚴防獎費於籌餉之中仍寓恤民之意是為至要欽此

七月二十一日奉

上諭此次中外肇釁起於民教之相關嗣因大沽炮台被佔以致激成兵端朝廷誼重邦交仍不肯輕於決絕迭經明降諭旨保護使館並諭各直省保護教士現在兵事未弭各國商民在中國者甚多均應一律保護着各將軍督撫查明各國洋商教士在通商各埠及各府州縣者按照條約一體認真保護不得稍有疎虞上月日本書記杉山彬被戕王深駭異乃未幾復有德國公使被害之事該公使駐京辦理交涉遠遭侮辱尤深應仍嚴飭勸拿凶手務獲究辦所有此次天津開戰後除因戰事外其因亂無故被害之洋人教士等及損失物產着順天府直隸總督飭屬分別查明轉候彙案辦核至近日各處土匪亂民焚殺劫掠擾害良民尤屬不成事體着該督撫及各統兵大員查明實在情形相機勦辦以靖亂源將此通諭知之欽此

同日奉 上諭裕祿奏天津失守自請處分一摺直隸總督裕祿著革職留任

提督宋慶着交部議處欽此

二十二日奉 上諭義和團民為國害方人數既眾良莠不齊甚且有意尋仇肆

行無忌本月竟有偽義和團賊害副都統慶恒家屬一案當該統率王大臣查

明將該偽義和團正法五人乃聞尚有人嘵嘵不已竟將慶恒凌虐至死殊為不

知法紀着該王大臣確切查明務將真正義和團眾懲其恪守成規義以和眾真

有匪徒假託義和團之名尋衅焚殺着照土匪之例即行嚴辦經此次淘汰後

義和團之真心向善者益當惜愛聲名同心禦侮其偽託之匪徒自無所逃於

顯典從此淫滑攸分當亦該團之所深願也欽此

同日奉 上諭國軍與洋人為難情形前曾迭諭李鴻章張之洞李秉衡等會

同籌議復奏茲據奏到言兵解萬不可開國軍急宜勤除尋蕪誠恐成謀國之見

無如此種圍軍津京一帶已不下十數萬人聲勢赫震與洋教為難甚至官

禁前後所在多有勒之轉恐患生不測不若因循之尚可轉危為安此乃天時

人事相迫而成各督撫毋得再行觀望待事委蛇務須振刷精神籌餉練兵各

保疆土倘有疎虞惟各督撫是問特此通諭知之欽此

七月二十八日奉 上諭劉坤一等奏相機籌辦妥籌辦法一摺朝廷本意原不
欲輕開邊釁曾致書各國並電諭各疆臣極力申明降諭旨以保護使臣及各口
岸商民為意其在我之賢與該督等意見正復相同現幸各國使臣除克林德外
餘均平安無恙日前並給各使館蔬果食物以示體恤如各國恃其兵力進犯各
省自應保守疆土竭力抵禦即使目前相安無事亦應嚴密籌備以防意外之變
惟總欲兵燹不自我而開一面將坦懷相與之意宣示各國使館共籌補救之方
以維大局不得輕聽浮言致多齟齬是為至要將此由六百里加緊各諭令知之
欽此

七月二十六日奉 上諭我朝以忠厚開基二百數十年厚澤深仁淪浹字內薄
海臣民各有尊君親上効死勿貳之義是以邊陲逆亂海宇又安皆賴我 列祖
列宗 文謨 武烈超越前古亦以累朝親賢夾輔用能宏濟艱難迨道光咸
豐以後漸滋外患然 廟謨默運卒能轉危為安朕以冲齡入承大統仰慕 聖
母皇太后懿訓於 祖宗家法恭儉仁恤諸大端未敢稍有闕越亦薄海臣民所
共見共聞不謂近日僻起團教不和禍生倉猝竟至震驚 九廟 慈輿禍遠自
顧乾躬負罪實甚然禍亂之萌匪伊朝夕果使大小臣工有公忠體國之忱無泄

皆偷安之習何至一旦敗壞若此爾中外文武大小臣工天良具在試念平日之受恩遇者何若其自許忠義者安在今見國家危若此其將何以為心乎知人不明昏朕一人之罪小民何辜遭此塗炭朕尚何所施其責備耶朕為天下之主不能為民捍患即身殉社稷亦復何所顧惜敬念 聖母春秋已高豈敢有虧孝養是以恭奉 鑾輿暫行巡幸太原所幸就道以來 慈躬安健無恙尚可為天下臣民告慰自今以往幹旋危局我君臣責無旁貸其部院堂司各官着分班速赴行在以便整理庶務各直省督撫更宜整頓邊防力固 圉前據劉坤一張之洞奏沿海沿江各口商務照常如約保護今仍應照議施行以昭大信其各省教民良莠不齊苟無聚眾作亂情形即屬朝廷赤子地方官仍宜一體撫綏毋得歧視要之國家設官各有職守不論大小京外文武咸宜上念 祖宗養士之恩深維君辱臣死之義臥薪嘗胆勿托空言於一切用人行政籌餉練兵在在出以精心視國事如家事毋怙非而 誤公家毋專已而輕排羣議務慮洗心匡予不逮朕雖不德庶幾不遠而復天心之悔禍可期矣將此通諭知之欽此

七月二十八日奉 上諭自來國治之原必以明目達聰為要此次內訌外侮倉猝交乘頻年所全力經營者幾諸一旦是知禍患之伏於隱微為朕所不及覺察

者多矣。懲前毖後，能不寒心。自今以往，凡有奏事之責者，於朕躬之過，諫政事之
闕，失民生之休戚，務當隨時獻替，直言無隱。當此創深痛鉅之後，如猶惡聞諫論，
喜近譏諛，朕雖薄德，自問尚不致此。設平日未懷忠悃，臨時漫披浮詞，其或假公
濟私，巧為嘗試，則爾諸臣之負朕實深。苟具天良，不應有此。所冀內外臣工各
盡忠忱，共支危局。庶幾集思廣益，用以救弊扶衰。朕實懷懣，有厚望焉。欽此。
八月十五日奉 旨：李鴻章劄坤一張之洞等會奏摺片，暨李鴻章初九日電
同日覽悉。七月二十一日之變，罪在朕躬，悔何可及。該大學士等與國同休戚，力
圖補救。宗社有靈，善深慶之所。陳各節悉條目前，最要機宜，慶親王奕劻約計初
十日可以到京。本日復有旨，加派祭祿會同辦理。現在俄外部允為撤兵，是機有
可乘，不可一誤。再該大學士應即馳赴天津，先行接印，仍即日進京會商。各使
迅速開議，至罪己之詔，業於七月二十六日降諭。旨播告天下。該大學士此時
當已接到自行勦匪一節。該大學士未到任以前，已責成廷雍認真辦理。本日亦
有明發諭旨矣。其餘皆當照請施行。惟事有次第，不得不畧分先後。且朕恭奉
慈輿一路安善。現距太原兩站，駐蹕久暫，俟抵太原後，體察情形，因再定進止。此
次變起倉猝，該大學士此行不特安危繫之，抑且存亡繫之。旋乾轉坤，匪異人任。

勉為其難所厚望焉此旨仍着端方轉電李鴻章等知之欽此

八月十四日行在奉 上諭朕此次恭奉 鑾輿暫幸太原當經先後派出榮祿徐桐崑岡崇禎松德敬信溥善阿克丹那桐陳燮龍充留京辦事大臣復令親親王奕劻回京會同李鴻章與各國議辦一切事宜此案初起義和團實為肇禍之由今欲使本塞源非痛加勦除不可直隸地方義和團蔓延尤甚李鴻章未到任以前汪維鈞責無旁貸即着該護督督飭地方文武 嚴行查辦務將根株倘仍有結黨橫行自無官長甚至抗拒官兵者即着成帶兵官實力勦辦以清亂源而安氓庶欽此

上諭世有萬古不易之常經無一成不變之治法窮變通久見於大易損益可知著於論語益不易者三綱五常昭然如日星之照世而可變者令甲令乙不妨如琴瑟之文絃伊古以來代有興革即我朝 列祖 列宗因時立制屢有異同入關以後已殊瀋陽之時嘉慶道光以來豈盡雍正乾隆之舊大抵法積則微法微則更要歸於強國利民而已自播遷以來皇太后宵旰旰旰焦勞厥尤痛自刻責深念近數十年積習相仍因循粉飾以致成此大鮮現正議和一切政事尤須切實整頓以期漸圖富強懿訓以為取外國之長乃可補中國之短懲前事之失乃可

作後事之師自成以來偽縱橫妄分新舊康逆之禍殆更甚於紅拳迄今海外
通逃尚有以富有貴為等樂誘人謀逆更藉保皇保種之奸言為離間宮庭之計
殊不知康逆之談新法乃亂法也非變法也該逆等乘朕不豫潛謀不軌朕竊恐
皇太后訓政乃拯朕於顛危而鋤奸於一旦實則剪除亂逆皇太后不許更新損
益科條朕何嘗概行除舊執中以御擇善而從母子一心臣民共見今者恭承慈
命壹意振興嚴禁新舊之名渾融之跡查中國之弊在於習氣太深文法太密庸
俗之吏豪傑之士少文者庸人藉為藏身之固而肯吏倚為牟利之符公事以文
牘相往來而毫無實際人才以資格相限制而日見消磨誤國家者在一私字禍
天下者在一例字至近之學西法者語言文字製造械器而已此西藝之皮毛而
非西政之本源也居上寬臨下簡言必信行必果我往聖之遺訓即西人富強之
始基中國不此之務徒學其一言一語一技一能而佐以瞻徇情而自利身家之
積習舍其本原而不學學其皮毛而又不精天下安得富強耶總之法令不更綱
習不破欲求振作當議更張着軍機大臣大學士六部九卿出使各國大臣各省
督撫各就現在情形各酌中而人要舉凡朝章國政吏治民生學校科舉軍政財
政當因當革當省當併或取諸人或求諸己如何而國勢始興如何而人才始出

如何而度支始裕如何而武備始修各舉所知各抒所見期限兩個月詳悉條議以聞再由朕上稟慈護斟酌盡善切實施行自辛太原下詔求言封章庶見而今之言者率有兩途一則襲報館之文章一則拘書生之淺見更相非兩困於偏私不化睹其利未睹其害一歸於窒礙難行新進講官強往往自迷始末迂儒論正學又往往不答事情而中外臣工當鑿斯二者酌中發論通變達權務望精詳以俟甄擇惟施有治法尤責有治人苟得其人儼法惡難於補救苟失其人徒法不能以自行使不分別人有百短人有百長以拘文牽義為率真以奉行故事為合例舉宜興宜革之事皆生廢於無形之中而放進旅退之員遽釀成不一治之疾欲去此弊慎始尤在慎終欲進其功實心更宜實力是又改絃更張以後所當簡任賢能上下交儆者也朕與皇太后久蓄於中事窮則變安危強弱全係於斯尚再踴躍效行之故報空言塞責省事偷安憲典具存朕不能宥將此通諭知之欽此

上諭京師自五月以來拳匪倡亂開釁友邦現經勅李鴻章與各國使臣在京和議大綱草約業已畫押追思肇禍之由實由諸大臣昏誤無知置張跋扈深信邪術挾制朝廷於勦辦團匪之諭抗不遵行反縱信拳匪恣行攻戰以致和議大

張聚數萬匪徒於時賊之下勢不可遏復主令函恭將平國攻使館竟至數月之間釀成奇禍社稷危陵廟震驚地方蹂躪生民塗炭朕與皇太后危險情形不堪言狀至今痛心疾首悲憤交深是諸王大臣等信邪縱匪上危宗社下禍黎元自問當得何罪前者兩降諭旨尚覺法輕情重不足儆辜應再分別等差加以懲處已革莊親王載勛縱容拳匪圍攻堂館擅出違告示又輕信匪言枉殺多命贊屬恣暴冥頑著賜令自盡派著左都御史葛寶華前往監視已革端郡王載漪倡率諸王貝勒輕信拳匪妄言主戰致肇釁端罪實難辭降調輔國公載瀾隨同載勛妄出違約告示咎亦應得著革爵職惟念俱屬懿親特予加恩均著發往親疆永遠監禁先行派前看管已革巡撫毓賢前在山東巡撫任復戕害教士教民多命尤屬昏誤凶殘罪魁禍首前已遣發新疆計行抵甘肅著傳旨即行正法並派按察使何福瑩監視行刑前協辦大學士吏部尚書剛毅袒庇拳匪釀成巨禍並會出違約告示本置之重典惟現已疾故著遣拿原官即行革職留任甘肅提督董福祥統兵入衛紀律不嚴又不諳文法率意函奉雖國攻使館係由該革王等指使究難辭咎本應重懲姑念在甘肅素著勞績因漢悅服格外從寬著即行革職降調都察院左都御史英年於載勛擅出違約告示曾經阻止情尚可原諒未

能力學究難辭咎著加恩革職定為斬監候罪名革職留任刑部尚書趙舒超平
日尚無深視外交之意其查辦拳匪亦無庇縱之詞惟究屬草率貽誤著加恩革
職為斬監候罪名英年趙舒超均著先行在陝西省監禁大舉上徐桐降調前四
川總督李秉衡均已殉難身故惟貽人口實均著革職並將御典撤銷經此次降旨
以後凡我友邦當共諒拳匪肇禍膏由禍首諸人並無輕縱即天下臣民亦曉然
於此案之關係重大也欽此

上諭本年五月間拳匪倡亂勢日熾張朝捷以勦撫兩難迭次召見臣工以期
折衷一是乃兵部尚書徐用儀戶部尚書立山吏部左侍郎許景澄內閣學士聯
元太常寺正卿袁昶經朕一再垂詢詞意均涉兩可而有禍諸臣遂乘機譏諍交
章參劾以致身推重辟惟念徐用儀等宣力有年平日辦理交涉亦能和衷尚著
陸續應申加恩特用儀立山許景澄聯元袁昶均著開復原官該部知道欽此

一上諭禮部尚書嚴秀前刑部左侍郎徐承煜均著先行革職著奕劻李鴻章查
明所犯確據即行奏明從嚴懲辦欽此

上諭本年夏間拳匪構亂關蒙友邦朕奉慈駕西巡京師雲擾迭命慶親王奕
劻大學士李鴻章作為全權大臣便宜行事與各國使臣止兵議和昨據奕劻等

雷呈各國和議十二款大剛業已照允仍電飭該全權大臣將詳細節目盡心的
核量中華之物方結與國之權心既有悔禍之機宜領自責之詔朝廷一切委曲
難言之苦衷不能不為爾天下臣民明諭之此次奉教之禍不知者咸疑國家縱
庇匪徒致成大變殊不知五六月間屢詔勸奉保教而亂民悍族迫人於無可如
何既苦禁諭之俱窮復憤存亡之莫保迨至七月二十一日之變朕與皇太后誓
欲同向社稷上禦元廟之靈乃當哀痛奮奮之際經王大臣等數人勉強扶掖而
出於樑林砲雨之中倉皇而狩是慈躬驚宗社危關閣成墟衣冠填塞莫非
拳匪所惑朝廷其尚護庇耶夫拳匪之亂與信奉匪者之作亂均非無因而起各
國在中國傳教由來已久民教爭訟地方官時有所偏是事者袒教虐民沽名者
庇民傷教官無辦法民教之怨愈結愈深拳匪乘機遂成大釁由平日辦理不善
以致一朝驟變不可遏抑是則地方官之咎也冰添拳匪既焚堂毀路急派直隸
總軍劉峴乃練軍所至漫無紀律戕虐良民而拳匪專恃仇教之說不擾鄉里以
致百姓皆畏兵而愛匪匪勢因此大熾匪黨亦愈聚愈多此則將領之咎也該匪
效言罪說煽誘愚人王公大臣中或少年任性或迂謬知無平時嫉外洋之強而
不知自量惑於妖妄說為神奇於是各鄉習拳矣各街市習拳矣取資奉以量或